

兩浙名賢錄

兩浙名賢錄卷之三十六目次

清正

明二

廣東左布政使陳士賢選

子藪附

監察御史金尚義忠

父愷兄尚德附

寧國府推官王克順樞

萊州府知府施廷偉奇

刑部郎中項文祥麒

副都御史吳尚忠誠

子璿附

通政司右通政陳世用嘉猷

監察御史董廷瑞琳

子鑰附

山東按察司副使張鳴玉珩

武昌府知府吳天爵福

子俊孫光世附

太常寺少卿鄭瑤夫環

刑部員外郎李文盛衍

雲南按察司副使許昌世盛

刑部郎中沈原質彬

趙州知州童邦英俊

四川按察司副使張仲明昂

兵部員外郎童廷式昂

工部尚書張時俊嶺

刑部右侍郎徐明德懷

右副都御史張孟介庶

山西提學僉事楊質夫文卿

子叔達
叔通附

澤州知州陸仲奇偉

工部都水司郎中趙有年年

太平府知府劉世用忠器

僉都御史王希文純

雲南府知府董德初復

岳州府同知施克明德

貴州參政沈原節榮

從子煉
孫垣附

雲南左布政使丁養浩

廣西參議張文衡銓

刑部侍郎沈文進銳

吏部尚書王德輝華

刑部侍郎楊志仁茂元

刑部尚書高肅政友璣

副都御史朱廷璧瑄

監察御史包民望澤

鄖陽府知府俞廷臣蓋

涿州知州薛有年穰

河南左叅政秦從簡文

都御史王汝言繪

刑部侍郎王德深浚

工部尚書蔣粹卿瑗

都御史胡汝登東臯

都御史宋孔瞻

孫岳附

太僕寺正卿胡時振鐸

廣西布政使楊惟德守隅

濰縣教諭吳嘉慶

湖廣按察司副使徐汝容渾

山東參議徐成之守誠

大理寺司務姜實夫芳

吏科給事中吳子華

湖廣按察司副使俞仲才振才

弟振英附

兩浙名賢錄卷之三十六目次終

兩浙名賢錄卷之三十一

東海徐象梅仲和氏謨

大易馮洪業茂遠氏閔

清正

明二 共六十六人

廣東左布政使陳士賢選

子戴附

陳選字士賢臨海人自少潛修獨詣不求人知惟以古
聖賢爲志天順庚辰試禮部嶺南丘濬得其文曰此古
君子也置第一及相見而貌不揚濬曰吾聞荀卿云聖

賢無相將無是乎。授監察御史出按江西風紀大振布
按長貳調每易素服以入選曰此非憲綱體也人臣覲
君服必視其品類獨殺於御史乎於是皆動色相戒不
敢犯已督學南畿拔士一以德行爲本試卷明列諸生
姓名不爲糊封曰吾且不自信何以信於人邪至誠相
臨無不感動條冠祭射儀令諸生以時肄之每按部就
止學官徐行審觀周旋磨折絃歌俎豆古風郁然前後
三載變色之言不施於衿佩而成就興起至不可縷數
遷河南兵備副使尋改提學中州學者咸慶得師會倅

卷汪直被命巡郡國都御史以下咸匍匐趨拜。選衙長
揖直怒曰：爾何官敢爾？選曰：提學。直愈怒曰：卽提學寧
大於都御史邪？選曰：提學非都御史比。但宗主斯文爲
世表率，雖死不可屈節。直見選詞氣嚴正，舉止安舒，而
諸生且集署外，不可犯。遂改容曰：先生無公務，相關自
役不必來。選徐步而出。尋轉按察使，擢廣東布政使。時
嶺南市舶太監常眷專恣，拮据勒富民供辦。選奏減其
數，眷復縱黨通番。番禺知縣高瑄發其贓鉅萬，都御史
宋旻不敢詰。選獨移文瑄瑄嘗深銜之。知中官戚疾選。

乃誣據選黨比高瑄和同貪墨。上怒遣刑部郎李行

會廷按御史徐同愛鞠之行同愛畏春不敢反異。復賂
選所黜吏張襲令誣執選。襲不從行等阿春執襲拷掠。
襲曰：死即死耳。安敢以私憾滅公義。陷正人也。行等羅
織無所得。乃誣選矯制發果。由庇屬官罪當徒。奏入。

詔奪選官遺錫衣。遣選士民數萬人號泣遮留。以衛士
辟除。始得出省城。至南昌疾作。卒於石亭寺。時年五十
八。友人張元禎飲以奠。緒或舂其薄。元禎曰：公平生清
苦。殮以時服。公志也。張襲乃上言。臣聞周公元聖。而四

國之謫乃致上疑於其君。魯參大賢而三至之言不免近惑於其母。豈成王之不明參母之不親哉。凡以口可鏤金而毀可銷骨也。陛下明並日月。恩同父母。詎圖怙冒之中尚懼屈抑。覆盆之下復有沉寃。竊見廣東布政使陳遜少崇正學。夙抱孤忠。孑處羣小之間。獨立衆憎之地。太監韋眷通番敗露。知縣高瑤按法持之。遷移文嘉獎以激貪懦。固監司之體也。奈何宋旻徐同愛怯勢。保奸首鼠兩覷。以致眷橫行胸臆。污蟻清節。榮惑聖明。勘官李行承眷願指。鍛鍊成獄。竟無左驗。臣本小吏。以

註誤觸法爲選罷黜寔臣自取眷妄意臣必憾選以厚
賂啖臣令扶同陷選臣雖胥徒安敢欺昧心術顛倒是
非眷旣知臣不可利誘乃嗾行等逮臣於理彌日拷掠
身無完膚臣甘死籲天終無異口行等乃依傍眷語文
致其詞劾選勘災不實擅便發倉曲比屬官意圖報謝
是毀共姜爲夏姬誦夷齊爲盜跖也頃年嶺外地震水
溢漂民廬舍屬郡交牒報災老幼引領待哺而撫按潘
臬若罔聞知選獨抱隱憂食不下咽謂展轉行勘則民
命垂絕所以便宜議賑志在救民非有他也選素剛正

不堪屈辱乃爲勘官凌侮憤懣成疾旬日而殂李行幸
其就死不爲醫療又遣養子密報寔死於春以快其憤
宵人佞毒一至於斯司寇之屬要在詰姦刑暴安取此
輩爲也夫遜砥節奉公橫罹讒構君門萬里孰諒其冤
臣以罪人擯斥田野乘未自給百無所圖敢冒死披陳
甘心鼎鑊者誠痛忠庶銜屈抑之冤長讒佞之奸爲

聖明之累也奏入不報第以他事罷眷鎮守弘治初工
部主事莆田林沂疏雪選寃詔復官禮葬正德中追贈
光祿卿謚恭愍初選做范文正公置田百四十畝祀先

周族名思遠，壯迨卒，族以選貧甚，舉田還其子戴。戴不可，曰：先人行義，戴取而私之，獨不媿乎？人謂選有子云。

監察御史金尚義忠

父愷，兄尚德附。

金忠，字尚義，處之麗水人。父愷，官雲南按察司僉事。忠少從父宦游四方，甫就學，輒棄去，商販蘓松間。年二十，見兄尚德舉進士，復奮就學，補雲和博士弟子。數年，應貢，升國子生。天順甲申，登進士第，會修英廟實錄，奉命往應天等府，搜採事蹟，還備試御史於南京，尋拜貴州道御史，即上疏陳三事，皆人所不敢言者。出遷上江。

抵南康諸府法尚嚴肅沿江諸司各鑄木榜籍兵魁期更相考覈往來江上無虛日盜不敢肆攝雲南江西山東三道事未幾奉臺檄遷撫松蘿諸郡忠執法不變有被按者誣以事奏遂逮捕忠聞命以妻子屬其友陳御史直大曰吾不免矣自往就逮入詔獄獄成命戍遼東三萬衛忠談笑就道至遼杜門謝客有達宮問所欲忠謝曰此正忠平生所不敢爲者居六年病卒時諸子皆不在側家人以冠帶服忠忠已不能言但搔首至再易深衣乃一頓而絕時年四十有人忠性剛斷負才氣見

義無所讓。同邑進士吳榮卒，貧不能舉，忠合購治葬，又贈所膏田若干畝，遺其家資，御史壁道死，忠具棺，飲歸其喪，致賻，以行所著有堯天稿三卷，東隱童子吟稿三卷，廣惠集方一卷，藏於家。

寧國府推官王克順樞

王樞字克順，歙人。景泰中，以貢授寧國府理刑，剖決明敏，獄無冤滯。丁氏婦，少寡，其叔挑之，鄣欲聞於官，叔懼，誘母訟以不孝，守將刑之，樞慮得其情，爭於守曰：公不惜一婦人，獨不惜寧國郡三年，不再乎？守悟，鄣得免。

未幾卒。囊無餘金。民爭出錢爲贖。其子某謂不可以。故汚吾父。盡却之。太守聞而嗟異。與同僚各捐俸以助。始克歸葬。

萊州府知府施廷偉奇

施奇字廷偉。嘉善人。登景泰甲戌進士。授工部主事。奉使山後諸鎮。閱兵砦邊將有餽遺者悉却之。尋復清匠江西。至建德。鄉人有官藩幕者。以白金來餽。奇駭曰。是安得此。若執汝。則賣庶矣。亟去。鄉人慙而退。成化初。擢知太平府。丁外艱去。服闋。改知萊州府。卒。奇爲人挺挺。

有風。恭尤精史事。楊繼宗時爲嘉興守。每造其廬。餽食對談。盡日。迺去。而奇。未嘗一語及私。當路莫不嚴重之。

刑部郎中項文祥麟

項麟字文祥。仁和人。景泰七年。由舉人。授南京吏部司務。歷陞南京刑部郎中。當憲皇登極之初。詔求直言。麟應詔。指陳五事。一曰。務正學。二曰。納諫諍。三曰。崇節義。四曰。遠近習。五曰。弭天變。語甚切直。皆人所不敢言者。無何。以病乞致仕。家居三十年。絕跡公府。甘貧屢空。寄居於人。巡按吳某。高其節槩。授室一椽。始有寧止。厨

無兼日之積而自視坦然吟咏不輟平湖實尹以賄敗
臬司邵廉寔舉。蚺清節諭之曰汝何不學項正郎乎蓋
魏之也尹意邵雅重麟卽暮持百金求爲膏解麟厲聲
却之尹慚魏而退未幾以無疾終後延按御史唐鳳儀
以麟與王琦褚遂良同里表其里爲忠清里奉王項之
主。既於褚廟學使孔天胤又別建揚烈祠以祀王項二
公云

副都御史吳尚忠誠

子瑜附

吳誠字尚忠錢塘人景泰辛未進士授兵部武庫司主

事歷官至都察院副都御史。遷撫湖廣。明年改雲南。卒於官。誠才識宏遠。前後所歷官。皆有政績。賢聲。其撫雲南叛夷。尤盡心力。爲人淳樸簡重。孝友誠確。敦厚姻族。耻言人過。與人交敦信義。久而不渝。宅心恬澹。衣食朴野。居鄉。混迹閭里。未嘗飭騶從。盛車徒。嘗以婚禮。盛服入城。鄉人廣南守徐敏見之。疑其變節。過朱叅政鋪。所言及。相與嗟悼之。頃則誠至。見二人有不豫色。詢其故。一人曰。時俗可傷也。誠曰。非以誠今日與服之。異常與。二人曰。然。誠告以故。且謝過。卽屏去。復衣故衣。其淳朴。

如此子瑜官御史。砥節彌行。卒。殮具不給。稱濟美云。

右通政陳世用嘉猷

陳嘉猷字世用。贊之子。自餘姚遷家於杭。舉景泰辛未進士。授禮科給事中。轉刑科。嘗兩使外夷。堅辭餽獻。清風峻節。夷酋皆敬仰之。陞通政司右通政。居父喪哀慕不輟。無何卒。

監察御史董廷瑞琳

子翰附

董琳字廷瑞。鄞人。景泰五年進士。除南京監察御史。時掌錦衣衛事。都指揮劉敬父子恃勢肆虐。言官莫敢誰

何琳獨疏其不法，敏遂連繫降黜，而于亦戍邊，風裁凜然。轉山東按察司僉事，劬勞致疾，乞歸卒。子鑰，字啟之，弘治庚戌進士，補上海令，陞監察御史，出按雲南，鎮守太監孫景與都督盧和交構，累經按鞠，莫敢與決。鑰承旨一訊，輒得其情，皆置諸大磔，巨豪爲之斂迹。及劉瑾竊柄，除不附己者，乃矯詔逮之，勒令致仕。瑾誅，復徵意以病不起。父子俱以神羊觸邪，直聲振天下。至今人稱真御史者，必口大董小董。

山東按察副使張鳴玉珩

張珩字鳴玉，仁和人。少介特，力行好修，嘗以一介不取爲本分內事。嘗溫州却金亭，爲近名人，多以薦士期之。景泰元年，領鄉薦。甲戌，授監察御史，整點京營壯，廉老弱，過目輒不忘人，皆憚其明察。丙戌，陞廣東按察司僉事，尋改山東。嘗錄一劫盜獄，發奸擒伏如神，部衆驚服。性廉介，中貴溫某感其舊德，餽以金綉，珩拒却之。溫媿而擗於河。甲午，陞本省副使，致仕歸。橐中蕭然，僅如素士。卒之日，幾無以爲殮。

武昌府知府吳天爵

子俊孫光世附

吳嗣字天爵，錢塘人。初起刑部掾，屬以從征，闕寇鄧茂
七有功，授兵部司務。景泰二年，復從都御史蔣琳撫貴
州叛夷，尋改工部，編爲人。直義不苟，取嘗過寶應，夜
宿驛中，獲遺金數百兩，急呼驛官掌之，詰朝歸付縣，爲
修學費。尚書倪謙學士錢潮，咸爲紀其事，海內多誦美
之。仕終昌府知府。子侯，孫光世，相繼以科第顯，遂稱
世家云。

太常寺少卿鄭瑤夫環

鄭環字瑤夫，仁和人。厚之子。天順庚辰進士及第，授翰

林院編修與修 英廟實錄遷修撰再遷同經局洗馬

主考兩京鄉試授 皇太子經於文華殿陞南京太常

寺少卿欲迎養其母母不欲行乃留妻以代養獨處京

邸或勸買妾環曰若是則以養母給吾婦矣比歸省則

妻已卒乃奉母之官終身不娶平生直諒誠慤人有過

則正色規之方毅寡諧與人處同列多不樂其所爲然

察環無他腸終亦不怨也尚書魏文靖嘗遺書戒子曰

事事當法杭之鄭瑗夫庶可爲人矣其見重於名賢若

此所著有栗庵稿藏於家

刑部員外郎李文盛衍

李衍字文盛，鄞人。貢入太學。中順天乙卯鄉試。會王振承張太后旨，選衍寫經托疾弗往。因久次不選，遇恩例，授廣州府推官。屢辨冤獄，以撫勦反寇有功，陞刑部員外郎。時曹石用事，亭家人奪民產，訴於朝。衍承命往勸歸田於民。大忤亭意，諷錦衣門達構衍重罪，請戍宣府。亭敗，得復官還田里，以孝友稱。

雲南按察副使許昌世盛

許盛字昌世，世居海鹽之武原鄉。後徙歸平湖，遂爲平

湖人生而穎異喜問學工文辭領景泰丙子鄉薦天順
癸未禮闈火夏秋試中式甲申賜進士第授刑部主事
進員外郎慮因陝西平反洗雪者百餘獄擢四川按察
僉事練習律比肺石之下無寬民內艱服闋補原官分
巡川北大竹飢民投募富家而取其粟有司坐以劫盜
律死盛閩牘數曰投募貧粟以救死耳隱貧爲劫非情
已且民方自生於飢而子民者顧誣死以盜如父母何
令貧民具本息以償富家悉杖而遣之歛聲動地時儀
隴土寇驟聚勢方克斥聞飢民之獄得乎也皆額手呼

天曰許父仁人也吾屬寧可自棄於履露之外應時解
散境內以寧外艱起復改山東未幾轉雲南按察司副
使民有帶銅爲業者其仇誣以盜橫獄具已盛辨其冤
立釋之其人詣臬門臂香以謝尋乞致仕歸盛剛直廉
介所至有禾蕪聲傳入所餘悉以賑親黨之貧者歷仕
三十餘年衣粗食糲如寒素致政歸囊橐蕭然雖屢空
不慍也身歿未幾子孫貧不能自存至今邑中稱清白
吏者必首許剛便云

刑部郎中沈原質彬

沈彬字原質武康人莊重端謹同學閔遠第進士拜刑部主事進員外郎小心勤慎練達治體爲部長所信任凡疑獄平反必與之裁制下外舉起爲兩淮漕運理稱尋遷雲南清吏司郎中司諫京畿訟獄視他司倍乃益明慎聽斷死獄必求其生且曰求其生或失於死人於死可復生乎故雖死者亦自以爲不寬然竟以勤勞致疾乞休養杜門不出其居官以清白自守囊無餘貲有司時有所遺輒辭不受人威服其高致

趙州知州童邦英俊

童俊字邦英，蘭谿人。識達天人，學窮理奧。由舉人知嘉定，時民事田獵，不知耕稼，俊教以力穡。至今祀爲稷神。遷知趙州，出富民陸氏之冤獄，畿板進士安慰於廳，謀因內臣王政，遞歷踐踏士類，不屑折腰，遂拂袖歸。民攀車泣留，共立生祠祀之。歸家，齋殮不繼，家人撤其几以易米，則持卷於手，誦讀如故。日夕考索經傳，作書韻會。通若干卷，士論評其家學精則童品博則童疏兼之者，俊也。

四川按察副使張仲明島

張昇字仲明都御史楷之孫也自慈谿徙居鄞平橋之南生有奇質貌古而性剛登成化壬辰進士第授鉛山縣知縣有異政一時稱爲神君以最擢南京監察御史時威寧伯王鉞挾其武功借保國公張永太監王直兵部尚書陳誼將挑募北邊昇曰是爲國家害不小抗章劾之詞連內閣司禮由是內外大臣皆銜之而未發也會南京守備太監薛琮聞昇名求見不許且劾琮鬻放軍伍琮乃誣奏昇擅作威福遂左遷南京通政司經歷久之以薦轉四川按察司僉事查理鹽法蜀中鹽利最

饒先是理鹽者幸以賄敗昺搜剔弊蠹一新以法性暴
矜不能與世偕又每以執法失上官指遂再疏乞休不
許而遷昺剛使守備建昌黎州等處時同事馬太監信
用術士周慧以其善黃白術將進之朝昺聞而驚曰是
唐之柳泌也卽擒慧置獄而劾馬之妄事乃獲寢歲餘
度終不能容於時乃和陶潛歸去來辭引疾歸時年甫
六十環堵蕭然出入不能備騎從家人糠粃或不瞻而
超然容與日以經史自娛歲嘗大侵大臣賑飢浙東閩
閩饑甚遺五十金堅拒弗受利害禍福不待解遣而自

不能膠其中。雖於俗不屑苟同。而對衆坦坦。不爲矜。誠
骨懷如冰玉。不可點染。其表姪憲副。余本每侍。曷未嘗
不勗以道義。病既革。猶張目。謂之曰。努力。今日人才自
勵者少。若能扶持一日。是培國家元氣於一日也。蓋立
身爲國之心。至死不亂云。

兵部員外童廷式品

童品字廷式。蘭谿人。幼與章楓山齊名。成化甲辰。貢於
鄉。丙午舉南畿。又十年而始成進士。或勅之減年通籍。
曰。吾早學而晚達。命也。敢爲欺乎。授南京兵部武庫司。

主事再遷武選員外郎武庫頗有羨餘同官以墮簿誤之云不可立異以取忤僚友不計也有指揮詭以文墨失水求之任侍郎力庇之品力爭不可聲色俱厲尚書解之曰童員外義理勇也居官僅兩考遂引年致仕家居十九年以讀書喪明貧不自振而卒所著有周易題義春秋經傳辨疑禮記大旨正蒙發微合章子集金華文獻錄若干卷

工部尚書張時俊嶺

張嶺字時俊蕭山人成化丁未進士明年弘治改元嶺

憲廟實錄於菴松常鎮乘筆惟公不惕推勢除江
西上饒縣知縣以治行第一陞南京兵部車駕司主事
先是部屬入守備聽見中貴執禮甚卑嶺肅揖而已剛
直之名赫然晉本司員外郎正德初劉瑾擅權勢傾中
外道隆平疾張祐卒無嗣弟姪爭襲奏行該司勘問將
瑾屬黨不可奪乃矯制取入刑曹未幾出知興化府單
車赴任時郡人戴大賓弱冠登第瑾欲以姪女奪其舊
聘賜嶺主之嶺不應瑾大怒遂據隆平疾事落職瑾誅
起守南雄清攝孟勵甫一年陞江西參政時宸濠潛蓄

異謀賂結中夤請臣亦欲異致貴陰使人道意貴五也
相之選本司右布政尋轉左時濂欲拓府居以擬大內
貴堅不許十時繕紳咸以鉄漢目之濂忌終於掣肘
權貴南京光祿寺卿尋拜右副都御史巡撫保定地方
適武甯寇進極登江彬錢寧輩往來旁午誅索郡邑
湖二鯨所慮統轄安堵羣小謀以擠之遂移疾歸
嘉皇帝入繼大統詔求耆舊起擢右都御史總督兩廣
軍機兼理巡撫計擒上思州官黃鈔剿平劇賊嚴阮蔡
猛三等請塞斬獲萬餘人民迷以寧取字南京都察院

尋陞工部尚書再疏乞休卒年七十有四禮部得請如
例祭葬遺爲人剛方質直服用朴素居鄉出入不用輿
馬處鄉人如家人父子情意藹然接有司未嘗不以時
政得失相規居官四十餘年計其所殖僅足以自給廉
潔之操始終不渝人以爲難

刑部右侍郎徐明德懷

徐懷字明德建德人天順庚辰進士筮仕刑部由員外
郎陞江西按察司僉事遷湖廣副使守瓊州未行改湖
廣久之遷按察使未幾陞江西右布政使轉左弘治改

元召爲都察院右副都御史，飭畿輔邊備，兼巡撫兩京。俄擢南京刑部右侍郎，以疾乞休，不許。卒於位。懷學識，端正操履，謹嚴習典故，洞世務，事入手，沉密不卽發，發卽不可柅，法當然不假借一毫。素無私請於人人，亦不敢請以私。賢者無顯晦，一見如平生，惟而檢非其人，雖當要途禍福在呼吸間，視之藐然也。起家司寇，隨所至獄無滯囚，且曲得其情如神明。左憲皆理屯種，法立獎清屯，無惰兵。江西增蕪田租三萬餘石，湖廣所增數亦如之。握憲畿輔，任益重，惠益弘，修築關隘九十餘所。事

不踰時歲大侵請發戶部銀米以賑糶備凶糶金帛爲
糶本貴州縣以防後虞歷官中外三十餘年不問家人
生產非義物未嘗一日及見義所當爲則直前不讓每
處危疑大事皆不動聲色犁然當人心而濟本以清鄉
司成廷綱傳懷謂見精議到智者莫能測巧者無所售
君子以爲實錄

右副都御史張孟介廉

張廉字孟介歸安人成化丙戌進士歷刑部主事員外
郎郎中嘗使封藩堅却餽遺一時以爲廉擢江西按察

司副使時賊寇廣信永豐銀礦。庶命塞之以絕其望。賊遂解散。轉桂州按察使。奏誅印江豪首。置縣官。及遷左布政使。與征都清苗寇有功。請增桂州解額。自庶始。擢右副都御史。巡撫貴州。疏言屬府黎平僻遠。而五開軍衛牽制兩省。宜令湖廣兵備副使聽節制。及削鎮遠土官。置縣官如印江例。皆從之。庶剛方。耿直。好面折人過。動與物忤。由是被劾致仕。行之日。父老軍夷無慮數萬。遮留之。正德四年四月卒。於家年七十六。三具士一脫。自卽致貲鉅萬。不必入宦。已蒙化素封。廬屢仕三十餘。

年既卒而家無厚產不為習俗所移論者以為賢

山西提學僉事楊質夫文卿 子叔達叔通

楊文卿字質夫鄆人發解浙省第一舉會試第二授兵部主事父死免喪改刑部時有尹清者夜飲殺人事覺匿豪家令其妻賄同飲者張鐸承之文卿一訊知其誣根捕尹清豪長者為請不聽竟坐清而釋左驗者歷員外郎郎中陞山西提學僉事嚴條約公勸懲嘗曰考試糊名此以革提學之弊非革士子弊也不自為弊安用是竟不糊名士無異議屏巫覡毀淫祀凡縉黃之居皆

夏爲社學，選秀異子弟讀書習禮。其中士風民俗爲之丕變。陞山東提學副使，其教一如山西，以積勞致疾卒。文卿外員而內方，平居恂恂和易，臨事卽確然不可奪。居官律已，務爲清約，門無私謁，室無長物，其死也，囊篋餘貲，惟圖書數篋而已。子叔達，隱居不仕，以孝義稱。叔通，第戊辰進士，歷官山西左布政使，乞納祿歸，廉儉不媿其父云。

澤州知州陸仲奇偉

陸偉，字仲奇，錢塘人。順成化乙酉鄉薦，家貧，閉門受徒。

以爲養。二親相繼歿，哀毀幾滅性，服除，請遷吏部議。第一授山西澤州知州，州罹疥飢，人相食，偉奏發內帑以賑，先出倉粟作糜以食餓者，區畫纖悉，不懈晝夜，全活以數萬計。州多宗室，和買吞併之害，其來已久，歲發祿米稍後，辱及官吏，以爲常，偉悉裁之，以法世家大族，武斷郡國，凌轡閭左者，禁不得肆，與夫請托一切不行，因相與銜之，乃獻宗室誣奏偉數事，下三法司勘讞，詔使初至，或於浮言，幾中偉以危法，而州民無老稚填咽街巷，爲偉稱寃，使者既至，始慮得其實，事乃白，知州事。

如故而偉益以風節自持所治有寧山衛軍民雄處恒
患弗靖偉憚之以威彼此帖然總鎮中官有祗候之索
所屬爭先取容偉獨不與旣而政通人和民莫不愛戴
之如父母而前之怨家暨諸宗室益不自安輿說造謫
爲害方未已也偉乃歎曰人當自知止足不然必速顛
隲乃力懇當路致其政而歸州民攀留數十里車不得
行爭卧轍而啼如嬰兒偉慰諭再三而後去偉歸惟以
教誨子孫爲務家人奉之如嚴君宗族不能婚娶隣里
不能殯葬者已雖不給亦濟渡以周之閭與鄉之不仕

及倦而歸者，徜徉於湖山之間，更唱迭和，有歸田錄傳於世。俾每稱曰：士當以立志爲先，以涵養爲要，否則大本不立，一事不可爲矣。君子以爲名言。

都水司郎中趙有年年

趙年，字有年，蘭谿人。成化乙未進士，授行人，屢奉命行祀事諸王府，凡饋遺一無所受。在陝西，值歲歉，減廩餼，爲藩臬諸臣倡，以賑民飢，全活不可數記。陞工部營繕司員外郎，監本部廠，宿弊除革殆盡。中貴憚之，差監稅蕪湖，積羨餘萬金，悉藉之公，督代還，管理五城九門事。

執法嚴正不可犯一時目爲趙鉄向未幾晉都水司郎中時中貴有希旨將於衢州府織造金龍絹者業已成年聞之卽抗疏極言不可上允其奏自是中貴側目相與吹毛索其疵弗可得乃誣以嘗醫所乘馬多索價值下詔獄終不少屈以求免竟坐除名歸而一室蕭然終殮不繼處之自如所著有一得稿碌碌集藏於家

太平府知府劉世用忠器

劉忠器字世用新昌人成化初進士出知永安改崇仁擢用臺御史終太平守爲人清操自勵不可干以私郡

有豪官專持守令。然事以行其私。忠器待以禮。稍有請託。輒拒之。其人卒亦不能怒也。居鄉出入徒步。自釋褐至。廣金匹馬。隻夫不以煩有司。或以例言。忠器曰。吾無一毫及鄉里。敢勞費之邪。居恒惟以一園蔬。韭自給。卒於官。橐無遺金。子孫窮乏。不能自振。而忠器之名益彰。

左僉都御史王希文純

王純字希文。世家慈谿。登弘治癸丑進士。第授大理寺右評事。歷左寺正。陞江西按察司僉事。領兵備平瑞州。威功最隆。河南按察司副使。領潁州兵備。兼理淮陽諸

處屯田未幾改廣東時逆瑾以賄招天下警應監司守令爭輦金寶奏其門如日中之市純獨不通問瑾痛恨之適丁父艱去瑾矯詔罰輸邊粟一千石純掃室以應不足又稱貸而益之無愠容服闋改雲南金齒兵備陞大理寺右少卿時有上變告山東歸善王謀不軌者純奉詔往鞠之同事者欲深治其獄以爲功純不肯一持以正平反者數百人轉左少卿未幾陞都察院左僉都御史巡撫宣府時上於宣府有所營建純疏止之不報會與同事中貴不協遂以疾乞致仕歸純性弘毅喜

名節任義有責育之勇其所否者視之若脂居官俸入
并未嘗私一錢尤精法比事至立決而多以恕持之故
宦轍所歷至今稱爲福星子鎔自有傳

雲南府知府董德初復

董復字德初會稽人成化中進士知縣縣爲民寬徭賦
俾水患卹孤乏抑兼併奏最徵拜監察御史 孝皇登
極首疏斥貴倖數十人直聲大振然以是爲用事者所
憎出知雲南府其治一如縣時民與德之復性坦直
無他腸居官務盡歲無頽避是以所至輒奮晚歸衣弊

繞綺屋數楹。儼虎風雨足。跡罕到城市。家居孝友。且德課子讀書。故子玘卒能振其業。自有傳。

岳州府同知施克明德

施德字克明。秀水人。成化辛卯。中鄉試。爲人剛明仁恕。居鄉時。卽以鈿強扶弱。爲已任。弘治中。爲漢州守。興學勸課。洗冤滯。賑貧乏。士民愛利之。豪右懾服。不敢肆已。陞岳州府同知。其惠政一如治漢時。抱疾歸。居家閉門掃軌。香一不至公府。寓情詩酒。以天年終。

貴州參政沈元節祭

從子煉孫垣附

沈榮宇元節平湖人成化中進士授工部主事監龍江
商稅力祛時弊有廉能聲知潮州府嚴通番之禁公私
蓋之稅未幾懇歸服除調延平所至不畏強禦歷延平
臨江皆有清譽尋陞貴州參政糧運軍餉裁制有法乃
上疏乞養伯兄早世撫教其孤煉登進士弱冠有聲
任江西參議官轍所至豪右屏息墨吏皆望風引去桃
園寇勢猖獗煉以文臣兼武事誓身殉難卒平寇凱旋
家居睦族信友足跡不至公門榮孫垣嘉靖乙未進士
授大理評事錄囚廣西出寬民七十餘人時土官僥僮

一無所受。獨取一膠。趙懸之。平樂公。解廣人。至今。謂之懸趙館。後陞惠州知府。政先風化。教民孝弟。民風丕變。任一年中。瘴而卒。

雲南左布政丁養浩

丁養浩。仁和人。成化二十三年。費宏榜進士。累官四川按察司副使。時有藝江。竄民殺人。給孤姪使。冒罪。賄成其獄。養浩。肅知其寃。竟反坐。轉廣東右叅政。時河源程。鄉賊。盜起。募人守要害。使不得逞。凡民夷雜處者。爲國區別。以示軍官。齊性。以大擒剿。四境底寧。歷陞雲南左

有以致仕卒平生剛介不阿在言路有蹇蹇譽事母孝
歷官三十年妻子恒留事母而以一僕自隨

廣西參議張文衡銓

張銓字文衡仁和人吏部郎中。信之孫。太僕丞瑛之從
子也。成化辛丑進士。官刑部主事。爲人耿介不阿。剛方
直諫。多挺挺大節。特尚書南宮某事多偏徇。銓據法執
爭。屢至厲於聲色。尚書深憾之。然亦不能奪也。冢宰屠
某與銓有葭莩親。銓絕不與通。適屠有慶事。同僚期與
偕行。銓義不往。屠大憾之。以爲輕已。人有薦銓者。屠尼

不行銓在刑曹十八年風節愈勵家貧甚其妻日製食
餽之拾粟食竟以廩介不求出爲廣西參政舟覆而死
於水

刑部侍郎沈文進銳

沈銳字文進仁和人成化己丑進士授刑部主事進員
外尋擢江西按察司僉事初官刑曹法比積練同僚惟
重及提刑江右聘識明允事至迎刃而解會瑞州盜發
銳坐分地謫雲南廣西府通判以艱去服闋改判徽州
未幾陞廣東僉事龍水後山脈起勢猖獗銳親率偏師

直搗其巢俘獲甚衆。平民脅執者皆爲昭雪。所全活者殆千餘人。復改江西僉事。銳方介寡合不肯屈志。以干進官五品者。二十四年他人爲之不平。乃稍遷副使。陞廣西按察使。明年進廣東左布政使。尋陟應天府尹。南京刑部右侍郎。未幾乞歸。已而逆瑾盜柄多鈞。適往事以誣士大夫之不附已者。遂落職。平生清介絕俗。家居杜門。泊如也。嘉靖初。追論舊德。乃復其章服。卒。

吏部尚書王德輝華

王華字德輝。餘姚人。生而警敏。讀書過目輒不忘。六歲

與羣兒戲水濱見一人醉來濯足濯已便去遺所提囊
取視之數十金也華度其醒必復來恐人攫去舉投水
中坐守之少頃其人號泣而至華迎謂曰求爾金邪爲
指其處果得之其人喜以一挺爲謝華笑不受成化庚
子領浙江鄉薦第二明年廷試第一甲第一人授翰林
院編修歷官南京禮部尚書弘治中內侍李廣有寵華
爲日講官嘗講大學衍義至唐李輔國結張后表裏用
事誦說朗朗無少避忌左右皆縮頸吐舌上樂聞之
不厭講已遣中官賜尚食正德初逆瑾專政士大夫爭

走其門華時爲禮部侍郎。獨不往。會華子守仁以兵部主事。疏瑾罪惡。瑾大怒。矯詔杖之。闕下竄南荒。以去。瑾復移怒於華。尋知爲徵時所聞名士也。意稍解。冀華一見。且將柄用焉。華竟不往。瑾益怒。遂出爲南京吏部尚書。猶使故舊致慰言。冀必往謝。華復不往。乃擢撫禮部舊事。勒令致仕。華性至孝。居父喪。廬墓下。墓故虎穴。虎聚至。不爲害。久之益馴。比致仕。岑太夫人年近百歲。華壽亦逾七十。猶朝夕爲童子嬉戲。以悅其親。嘉靖初。論守仁平濠功。封推誠宣力守正文臣。特進光祿大夫。柱

國新建伯。賜誥。封華勳階爵。邑如守仁。俾子孫世襲。適華誕辰。守仁捧觴上壽。華感然曰。吾父子及得復相見。耶賊濠之亂。皆以汝爲死矣。而不死以爲事難。侔平而平之。然此仗宗稷神靈。朝廷威德。豈汝一書生所能辨。此讒構橫行。禍機四發。賴武廟英明保全。今國是既定。吾父子之榮極矣。然禍者禍之基。能無懼乎。古云。知足不辱。知止不殆。吾老矣。得父子相保。庸下執與。犯盈滿之戒。覆成功而毀。令名者耶。守仁踞曰。謹受教。自是華日與姻黨置酒爲燕樂。以母喪哀毀過禮。及葬。德

跣數十里，舊疾復作，竟不起。年七十有七。訃聞，命有司
諭祭治葬事，悉如禮。

刑部侍郎楊志仁茂元

楊茂元，字志仁，禮部尚書文懿公守陳之子。以選士首
舉，授刑部主事，練習法比，掌三法司，奉勅錄南直隸囚
徒所平反。陞湖廣按察司副使，丁文懿艱，起服，改山東，
適河決，張秋。憲廟初，命中丞劉大夏董其役，繼命太
監李興、平江伯陳銳共治之。興銳事多不法，且犖大夏
肘，乃抗疏首言治河之策，乞取回興銳，俾大夏專治之。

有所責效而功易成并請革臨清鎮守凡三事由是中
人側目誣以妖言逮繫錦衣獄上察其忠謂長洲府
同知後治河一如其策當時廷議謂茂元三疏與文鑑
講學聽政疏實相表裏而剴切過之所謂有是父必有
是子也抵府不以謫自廢益盡心民事過瘁致疾乃乞
歸家食五年絕意仕進卒以薦起知安慶府備堅以疾
辭時伍符爲太守賢者惜茂元抱經濟之略而未克用
也率僚屬暨博士諸生抵茂元責以大義不得已携二
僕以往時府多火災軍民苦之乃爲文以責城隍患卽

彈百姓以爲神三年考最陞廣西布政司右叅政風采益厲罔恤烟瘴徧歷所部必進諸父老躬問疾苦而爬搔之甯是時思用二府上官相依設茂元業以計擒岑勢奏膚功矣會詔改二府爲流而降岑猛爲福建平海衛千戶猛不樂遠徙遂擁兵叛勢披猖其於昔時茂元單騎入其境諭以禍福曰爾長徙而稱兵何異悍挾舟而自溺也不惟弃巢穴且將弃首領矣何不善謀若是今魚窩寨苗賊背叛汝能備兵從征以功贖罪者吾將奏請免爾遷猛叩頭願從卒平魚窩寨魚窩寨者柳慶

撞撞也。以夷攻夷，出不意以搗其腹心。論者以是後得
用閩之奇，時逆瑾擅權貪黷無厭，差御史孫迪假以查
盤布政司庫藏為名，所以速賄也。各道密饋瑾銀千兩，
而茂元若不聞，或諷之曰：無千金，恐枉措不免。盍速歸
以免禍。茂元厲聲曰：千金之餽非盜官帑，則剝民脂以
此自謀，是畏無妄之災而犯有名之律，謹將益深可謂
之智乎？有死而已，誓不為此。瑾聞而憾之。吏部論平昔
功擬峻擢，瑾卒傳偽旨，勒致任。即買舟歸，瑾誅起江西。

左恭政陞雲南右布政使，尋陞貴州巡撫。會都御史奉

勅兼制四川酉陽湖廣湖北諸道兵以討筭于坪平頭
烏雞等苗寇俄晉南京都察院右都御史既得咨矣以
爲兵糧已集機貴神速若需交承寇有備矣乃住扎湖
貴中界聲言候代而密授諸將方畧分兵合剿之斬虜
數千人諸寨悉平陞南京兵部右侍郎改刑部屢疏乞
身不許無何以疾卒年六十有七茂元倜儻有膽畧見
義當爲毅然爲之不少顧非其義一介不取與其初官
刑部時同年楊仕偉爲汪直所誣事白追減廩裝不足
又稱貸以益之時長直莫之敢與茂元獨違衆假之署

其封曰刑部主事楊茂元俸銀十兩直見之歎曰好膽
氣其離任雲南也司庫有餘銀數百鎰曰無得錢吏自
惟所用茂元叱之曰此正在法賊也烏得無得籍識之
羣吏噴噴曰是何異楊公之四知性復孝友成文懿未
就之志拓始祖及五世祖墓地樹碑益田以脩時饗從
弟二人早失怙恃撫愛周至長求柝著乃垂泣諭以長
策不可回卒舉文懿所遺田盡與之仍歲給俸祿以爲
常問學宏博詩文俊麗尤精八法其草書士大夫爭寶
之張都諫弘謂其字畫道勁非特障池之功亦正氣隨

嘗而見也。時以爲格論。

刑部尚書高肅政友璣

高友璣字肅政。溫之樂清人。生有至性。母病朝夕湯藥。衣不解帶。以孝稱。既舉進士。乞身歸省。及捧銓檄赴選。途感異夢。覺而驚。遂復歸。而母疾危。克視飯。含盡。送終。禮人以爲孝感。服除。授南京刑部主事。歷員外郎。郎中。擢九江守。治蹟爲十三郡最。陞廣西叅政。管田州府事。田故夷方險地。土官岑猛者。坐與族類構爭。削秩。詔以漢官撫之。謂非議。達。推變之人。不可遂。以屬璣。璣聞命。

單車入田境，宣示威德，諭以逆順之理。猛初謁，猶擁兵入衛。久之，感瓌誠信，遂效款。東身聽命，不煩兵而寇平。事聞，復猛官，徙瓌內地。顧忤權倖，意仍以知府調衛輝。三遷而後，以右副都御史、巡撫大同。瓌洞達政體，刺裁如流。所至有赫赫名。然數裁抑貴倖，不少假卒，以蜚語降二級致仕。用薦起爲兵備柳桂副使，復四遷而以右都御史總督漕運江淮。故盜徒出沒爲患，瓌督兵討之。誅渠魁而招徠其黨，江淮肅清。在漕三年，進南京工部尚書，改刑部。已而召入北曹，居三月，謝病歸。瓌平居色

溫禮恭至臨事則疑疑操執不渝雖屢蹶而與無所依
違。嬖。姁。故。資。久。而。後。大。川。既。用。而。不。獲。又。學。士。大。夫。想
聞其名者有冥鴻千仞之恩焉。璣既致仕以俸入朔書
院買贖田教高氏子姓。剏望謁祠。退考業講學孜孜無
倦色。所居僅敝廬布衣瓠食終其身。蓋孝恭樸素出於
天性然也。計聞詔賜祭葬贈太子少保謚莊簡。

副都御史朱廷璧瑄

朱瑄字廷璧鄞人舉成化五年進士第授刑部主事遷
河南布政使擢都御史總督漕運踰再期以疾致仕卒

瑄性謙和謹恪，卓有定議，然觀世世，替災祥皆由人。致天之報，施遠近，遲速萬萬不齊，而無不巧中者，故所至屬節介，稟不可犯。位至三品，服不能具。朱紫家居，歲歛，疏食或不給。晏如也。都御史王璟奉命賑飢浙東，舍瑄貧，遺百金以佐薪水。瑄笑而卻之，曰：公奉天子命賑飢，亦安暇餽民？非賑飢官也。且天下寧有飢官乎？官即飢亦安得比齊民？以邀十倍之惠於天子，自欺以欺人，不可。璟聞之，竦然不復強。聞者兩高其誼，以爲賢。比卒，無以餼，當路共醢俸爲賻，而始克襄事焉。

監察御史包民望澤

包澤，字民望，鄆之江東人。弘治癸卯，舉於鄉。丙辰成進士，首以才雋，選授雲南道監察御史。庚申，奉璽書清戎陝西，飭理寧夏，固原諸要害，以風力稱已，而出按湖廣。風聲所至，貪吏解官。先是，郢王國絕遺墾田一百六十頃，興襄二府爭攘之，執奏不已，撫按官不能決。澤至，詳覈始末，請以田歸興府，而襄府軍校得佃種如故。其事乃定。儀賓蕭璉較轄諸司，王實左右之。澤曰：「茲亡格憲，非制也。」盍以聞。王懼，卒出璉就獄。太和官巨璫齊某者，

恬窳漁獵聞澤按部輒戕其下曰母縱閭羅包老擒汝
矣諸惡少無不縮手避巴東雜出洞蠻以隸省會之邊
也恒負固不靖乃度地宜奏設九溪永定兵備諸夷不
兵而服未幾復命卒於京邸得年僅五十有七澤天性
仁孝二親早世孺慕終身不衰諸弟方在襁褓篤於撫
字俾有成立比析產一無所取追念祿不逮養積俸入
置田四十餘畝爲歲時伏臘之需與諸從共之在官清
白自持門無私謁鄉有猾盜詹棟尸者善發古墓事覺
繫獄暮夜啖隣人懷玉盃二黃金數十鎰請澤丐免澤

屬靡化之曰此盜物也而後盜盜物可乎亟言於官置
之法卒之日家無私橐惟有東川政蹟十二卷

鄖陽府知府俞廷臣蓋

子諫附

俞蓋字廷臣桐廬人成化中以進士拜監察御史出按
真定等府中貴人傅恭家豪放民田前御史率脂韋兩
端莫敢辨蓋毅然割其田還於民且劾奏恭不法擒其
黨惡者數人服其辜時恭方幸於上莫不爲蓋危者
事且不測竟獲免出按江西九江外戚王氏萬氏勢方
烜赫其下恣橫境中吏莫何問蓋執而械之貴戚欲避

吉安知府許聰以剛愎凌上與臬司相訐奏事下蓋時
權貴必欲置聰死蓋持平不阿忤權貴意謫判澧州考
最權知茶陵州改知安陸時流民噴聚於鄖急之則變
緩之則爲後日憂兩臺重臣合奏頌才識如蓋者乃濟
遂擢知鄖陽府博詢民隱寬猛並施學校城池祠壇廡
宇方秩然修舉而蓋以過劬致疾乞致仕歸行至武林
卒於驛舍僅年五十有五蓋所至喜與除利害疏滌冤
獄具橋民趙綱家屠於盜莫跡其所由起蓋以御史按
其地綱見夢於蓋厥明捕盜六人下之獄一訊而服人

以爲神蓋卒之十四年仲子謙以進士拜南京監察御史
更進勳階中議大夫贊治尹

涿州知州薛有年穰

薛穰字有年鄆人宋知衡州朋龜之後領成化壬午順
天鄉薦授涿州知州涿俗強悍民好鬪兼歲大侵盜賊
四起穰至鋤強弭盜親問民所疾苦而爬搔之發粟賑
濟賴以全活者億萬計三年改知灤州灤故孔道徵發
驛騷穰期會供億咸得其宜不煩而事集州歲苦河決
發帑金築長堤以捍之迄今以爲樂利灤故多中貴家

假汪直勢爲虎冠，率多不法者。穰一切以三尺治之，不
少貸。遂忤直意，遣緹騎逮入詔獄。人皆爲穰危，穰獨長
嘯曰：彼蒼者天，寧枉無罪哉！鎮撫具穰直之鷹犬也，雖
心知穰枉，而猶脅取家人金賄，始肯貸出穰。穰咄家人
曰：吾寧庾死獄底耳，穰而以賄免也，何面目見天下士
乎？事卒得白，復原官。未數月，事更有不平者，乃浩然歎
曰：時事如此，尚可婪仕乎哉！遂掛冠歸。宦索不入私室，
置薄田數畝，與昆弟共之。散其餘祿於鄉族，力行善事。
日以粉版記之，倣古人黑白直之意。當時稱其爲行卒。

年六十有七。

河南左叅政秦從簡文

秦文字從簡臨海人弘治壬子以毛詩中浙江鄉誥第一癸丑登進士第授南京行人司行人轉司副丁外艱歸服闋遷刑部郎時逆瑾之亂羅織京朝官刑曹易染尤甚文以身殉法不少貸識獄精明老吏皆自以爲不及瑾竟不能害未幾遷貴州提學副使以母喪去服闋仍改陝西文之所以憂歸也借宅以居蕭然無長物終喪三年哭虞祭莫悉中禮其兩持文衡也以身爲教親

爲講解大要以抑奔競黜浮薄爲先兩地士習爲之不
變在陝二年遷河南布政司左叅政時河圯爲患民生
彫瘵而武宗日事巡遊征調無藝文慨然以不得行
其志爲恨遂乞身歸時年五十有六耳復杜門謝事教
養子弟者十一年而後卒文歷官三十年一介不苟至
晚年持之益堅蓋天性然也其自陝入覲時僉倖錢穀
孫安廖鵬輩各以其故來視輒謝不見或以禍福惕之
者文毅然曰君子立身自有本末奈何與小人作緣圓
者昨舌其堅正不撓類如此其學術以聖賢自任仙釋

之說一不入於耳。復不爲近世門戶同異之習。四方士
彙就正之。稱儒宗云。

都御史王汝言繪

王繪字汝言。慈谿人。由進士除工部主事。改禮部儀制
司。進郎中。各王府庶生子。奏乞祿米。繪悉裁之。以祖
訓且請條隱限年以受封。歲省公廩百餘萬。陝西守臣
進古璽稱賀。辨其誣。歷陞廣東參政。湖廣右布政。廣西
左布政。所至平政均役。飭舉綱維。懋著勛伐。時又次不
滿。逆理方牢籠天下士。貴淺者俱獲顯擢。或勸之。應曰。

三十年。娶居忍。改節邪。萬一被蠶。角巾私第。亦復何憾。後晉都御史。巡撫湖廣。年侵盜起。逆瑾橫征。又修造壽。築二府第。動以萬計。乃賑乏。蠲逋。計處工役。民困以臻。奔父喪歸。會仁化樂昌乳源連州盜犯。柳桂甚急。乃奮。情起復。督兵往平之。事竣歸。制以疾卒。繪剛方耿介。不。媚流俗。務爲身心經濟之學。而以喜聞過。罕言利爲。塵。右銘所著有學庸要旨。節齋雜稿若干卷。藏於家。

刑部右侍郎王德深浚

王浚字德深。嚴之建德人。以進士知蔚州。時逆瑾擅政。

中貴有占民田爲牧地者，沒奪還之，民瑾聞大怒，矯請
逮繫錦衣獄，瑾誅乃釋。陞刑部員外郎。武廟南巡，上
疏諫止，杖闕下，得不死。未幾，出爲山東按察司僉事。兵
備沂州，嘉靖改元，進貴州威清兵備副使。有土夷吳謙
賢，偶得朱印，持以爭官，構亂。浚設方畧，擒之，不費兵餉。
而地方以寧。又土舍安萬銓，未授宣撫，頗驕蹇，不用命。
浚以誠信撫之，適鞏國王夷恃險作亂，久不能平，衆謂
非安氏兵不可破。浚移檄召之，即馳赴，縛其巢，進挾蹇
使轉河南左布政使。擢尹嗣武，蒙謝所親曰：吾昔守

地衝而民貧不勝後嗣饑饉民力甚紆吾今得均之矣。蒞任未幾遂均二州之役爲縣人所中乃左遷福建右叅政。歷陞右副都御史。奏督南贛等處軍務。時南甯守某者欲規薦剗置數百金於米囊以獻沒覺而叱去之。聞者竦然。在鎮三年。進南京刑部右侍郎。尋改北。未幾九廟災。遂懇乞致仕歸。淡素性勤儉。非疾病未嘗不難鳴而起。暇則手不釋卷。其飲食服御如布衣。凡祖業所遺悉推讓諸姪。曰。祖宗積德而發於吾。幸有祿位。凡文可與汝輩析其私邪。歎屢中外三十餘年。所至無

事煩棘而去後之思恒不能已。至今稱之曰篤行君子。
工部尚書蔣粹卿瑤。

蔣瑤字粹卿歸安人。弘治十五年進士。以監察御史出
守荆。尋徙揚。會武廟南巡。諸省騷動。凡乘輿供御及
宦寺官妾親軍賂遺莫可貲算。瑤曰。備亦罪。不備亦罪。
備則患及於民。不備則患止於身。惟姑設二十更番迭
遣以迎。不復橫歛以爲悅。惟倖江彬輩橫加折辱。不爲
動。一日上捕得大鯉。戲言直五百金。謀所以鬻者。彬
請以昇璫。促值甚急。瑤卽脫妻女簪珥及絲絹服數事。

蒲伏而進曰魚有直矣他無所取惟妻女衣裝在焉臣
死罪臣死罪 上熟睨之曰汝真騷子耶吾無須此亟
持歸魚亦不復取直郡有瓊花觀 旨取瓊花以觀瑤
以帖紙立書此花生於某年爲瑞應至徽欽北轅此種
已絕今止存其名耳 上默然知瑤之借瓊花以諷也
中貴欲選官女數百人備行在撫臣欲刷之民瑤曰民
女不可刷無已臣有一女以進 上知其不可動詔罷
之及 駕旋扈送至淮由淮達徐布袍小帽着雙不借
步行露宿奔走承應若奴隸然辛苦萬狀教然直以身

任而終不忍煩一民。民德瑗次骨立祠肖像而祀之。見
重走卒。至今以蔣公稱乙酉陞副都御史。巡撫河南。擢
掌南京都察院事。晉工部尚書。加官保。年七十二引年
歸。居家。謝跡公府。惟約同好十五人。結社於硯山逸老
堂。其接人惟和氣。謙德見之者如坐春風中。私居僻處
陋巷。過其門有不知爲尚書之家者。年八十九而薨。計
開賜祭葬。仍贈太子太保。謚恭靖。

都御史胡汝登東臯

胡東臯字汝登。餘姚人。弘治乙丑進士。初授行人。歷南

京刑部郎中、先後讞大獄數十、靡不稱平、已而出守寧
國、風夜孜孜、察民所疾苦而亟拯之、在任六年、遷四川
按察司副使、已又改威茂兵備、平西番耿勺之亂、進按
察使、尋晉都御史、遷撫罕夏、奏築花馬池、賀蘭山邊墻
三百餘里、西北至今賴之、聞弟喪乞歸、再起撫治鄖陽、
未幾召還內臺、以抗直忤執政、會太廟災、上疏自劾、
去、東臯屢仕、與處苟利於人、必身任之、守官餘三十年、
田不滿頃、孫文恪陞嘗語人曰、吾姚仕宦而清貧如寒
瘦者三人、胡中丞、東臯、宋中丞、見胡太僕、鐸時蒙爲

江三廉云。

都御史宋孔瞻冕

孫岳附

宋冕字孔瞻餘姚人弘治中進士初官刑部主事以執法忤逆瑾矯旨請知金谿瑾誅復召爲禮部主事數歷外藩終撫治鄖陽都御史冕沉毅有議外和而中介所至厥飢雪在如救頭然屢平巨寇殲其魁脅從弗問所活先後數千人居官三十年被服如寒士鄉評重之孫岳舉進士官至按察使

太僕寺卿胡時振鐸

胡鐸字時振餘姚人弘治中進士選庶吉士入翰林讀
中秘書尋改給事中忤逆瑾出爲河東鹽運司運副矜
然不染瑾敗累遷福建督學副使其教士一以理學爲
先而无違於易所著易說至與蔡虛齋氏並稱歷太僕
寺卿而卒鐸平生坦易無城府然自守甚介不可干以
私身歿未幾子孫至不能舉火姚人稱爲真道云

廣西布政使楊惟德守隅

楊守隅字惟德守陳之從弟也登成化甲辰進士第授
工部主事改兵部車駕司出按陝西馬政剗剔宿蠹百

度以負轉職方司員外郎郎中陞江西北按察司僉事
逆瑾弄權流毒縉紳有誣人不法事罪應籍沒者守罔
徇以爲誣而持之瑾怒先後罰米四百石遂奪職以歸
瑾誅詔起原職旬宣四川適流賊麻六等下上蜀漢間
勢甚猖獗守罔多方捍禦西川以寧陞廣西布政使懇
乞骸骨再請始得歸守罔端謹醇厚性溫而厲事有不
可則義形於色比歸日與諸伯仲觴咏自適未嘗一跡
城府人尤高之

淮縣教諭吳夢夔

清吏

卷之三十一

四

光緒堂

吳夔字夢夔。西安人。由舉人任永春教諭。士頌得師。尋改維溝。士頌之。如永春。弘治甲子。典陝西文衡。得士爲多。吳士沈孟淵卒。不能歛。賻以聘金。鄉人崔巍兄弟。道所任。並疾卒。親爲飯含而歸。其喪當道交薦。有曰。學行俱優。才堪風憲。以耻附逆。瑾不得顯擢。遂乞致仕。家居足跡不入城府。僉憲韓邦奇門生也。分巡三衢。龍游胡某者。懷數百金遺夔。求釋罪。拒之甚峻。卽露東邦奇曰。嫌疑之際。毋勞枉駕。二守喬遷。亦門生奉御史檄。訊西安梁宰獄。以二百金遺夔。求嚼免。毅然辭謝。其剛介類。

如此變性孝友母病疽口作其膿父喪廬墓讓兄室自
構草屋以居風雨不蔽安之甚恬郡守沈杰每稱曰篤
行君子請總裁郡志著有享先論後諸集藏於家

湖廣按察副使徐汝容渾

徐渾字汝容錢塘人廣南守敏之子也弘治癸丑進士
歷官南京刑部郎中秉公守法請託不行改工部郎中
時工役繁興渾爲程其出納會計詳慎乾沒者無所容
其奸陞湖廣參議秩滿晉按察司副使兵備辰沅時豪
貴陶倫罪當死以千金賂渾渾却之持益急倫懼走賂

代事者竟得縱而潭反被深文之名遂罷歸囊橐蕭然
居無華屋出無輿從性耿介一毫不苟取然好義樂施
赴親交之急輒傾貲與之雖至空匱弗渝也

山東叅議徐成之守誠

徐守誠字成之餘姚人少刻苦自樹潛心理學弘治中
登進士授南京兵部主事嚴於稽覈戎伍以清尋執父
喪廬於墓有馴虎甘露之異鄉人名其山曰慈山服除
補刑部日與四方名士相討論學益進嘗陳時政十餘
事多見採納出爲湖廣僉事理冤糾墨不避權勢遷山

東奉議以疾歸。踰年而卒。守誠孝。友。處。介。非。其。義。視。于。駟。萬。鍾。若。土。其。歷。官。二。十。年。室。廬。僅。蔽。風。雨。有。慈。山。鐘。著。數。十。條。爲。學。者。所。誦。

大理寺司務姜實夫芳

姜芳字實夫。蘭谿人。博學篤行。稱名儒。弘治中。領鄉薦。第六。數。上。公。車。不。售。謁。選。授。廬。陵。教。諭。正。身。帥。物。懇。懇。以。文。章。節。義。爲。訓。應。聘。典。試。於。闕。或。有。以。私。求。舉。者。嗟。拒。之。居。父。母。憂。起。教。蕭。縣。九。年。考。績。陞。大。理。寺。司。務。未。幾。逆。瑾。竊。柄。流。毒。縉。紳。芳。慨。然。以。不。得。行。其。志。爲。恨。遂。

乞休歸蕭然一室下榭讀書微疾能自知死日具衣冠
端坐而逝嘗自志其墓曰吾以媿世之好諛者

吏科給事中吳子華葬

吳葬字子華山陰人弘治中進士選庶吉士人翰林尋
拜吏科給事中剛直敢言每彈刺大臣及諸貴倖不法
事無所顧忌朝野肅然敬憚嘗以事劾天官卿天官卿
及中傷之免官歸環堵蕭然閉門不出彈琴讀書以自
娛嘗過午不炊適有餉者謝而笑曰餓死事小安敢以
身爲濫竽卒不受

湖廣按察司副使俞仲才振才弟振英附

俞振才字仲才，新昌人。弟振英，字仲英。成化中相繼登進士。振才初授行人，拜監察御史。凡朝政缺失，必抗章論劾，不避權要。兩按川貴，風裁愈勵。宋學士景濂、洪武新誦死夔州，荼葬淺土。振才爲改窆，成都封馬鬣。遷湖廣按察司副使。先是臬司有淫祠，感人胥吏以下，敬祀之，毋敢褻。振才至，立命撤之。羣疑遂解。兩按藩王獄，執法不撓。家居務清約。孝親睦族，急人患難，不以存亡二心。好讀書吟詠，所著有皇華內外臺集、湖南湖湘詩文。

稿新齋集若干卷振英初知安東一日得淮流浮尸衣夾揚州市緝目振英曰是必有寃遂遣數人分入羣盜中市緝默察其色號相符者貴買之一人得數縑歸與目無二索其舟果得餘縑并所掠少女衣物女言亡官眷屬被害已十口矣獲盜二十餘人皆伏法人稱神明移官臨淮再補豐城青溪所至刑清訟簡民德其惠歷陝西兵備僉事以斬虜功擢尚寶司卿時逆瑾擅權文武大吏多出其門振英至京或謂曰曾調劉司禮乎嘗刺必謙抑振英再三詰故乃以刺示英英不答出曰吾

老矣不能僂首，悶登遂棄官歸。天下高之家，居清約如布衣。鄉黨以爲難。

兩浙名賢錄卷之三十一終